



Ermin Mujić: Pribavio sebi protivpravnu korist?

Uhapšen Ermin Mujić

Policijski službenici SIPA, u operativnoj akciji kodnog naziva Kapija, jučer su uhapsili direktora Agrokomerca Ermina Mujića.

Kako N1 nezvanično navodi, kod Mujića je pronađeno 25.000 KM.

- Osoba lišena slobode sumnjači se da je u svojstvu odgovorne osobe tražila veći novčani iznos na ime određenog zakupa kako bi sebi pribavila protivpravnu imovinsku korist, a na štetu privrednog društva u kojem obnaša dužnost odgovorne osobe, saopćeno je iz SIPA.

Mujića smo bezuspješno pokušavali dobiti na telefon, a u uredu direktora Agrokomerca sekretarica nam je kazala da ništa ne zna

i da u toku jučerašnjeg dana SIPA nije pretresala njihove prostorije. Glasnogovornica SIPA Kristina Jozić nam je kazala da se pretresi vrše na području Unsko-sanskog kantona, ne precizirajući lokacije.

Predstečajni upravnik Agrokomerca Šefik Smlatić podnio je jučer Općinskom sudu izvještaj o zatečenom stanju u Agrokomercu. Na naše pitanje postoje li u dokumentima naznake o nezakonitim radnjama posljednjih nekoliko godina, kratko je odgovorio: "Svakako", bez daljih komentara.

Predmet vodi Kantonalno tužilaštvo u Sarajevu, a osumnjičeni će biti ispitan u službenim prostorijama SIPA.

F. B.